

Rheoliadau a wnaed gan Weinidogion Cymru, a osodwyd gerbron Senedd Cymru o dan adran 45R o Ddeddf Iechyd y Cyhoedd (Rheoli Clefydau) 1984 (p. 22), i'w cymeradwyo drwy benderfyniad gan Senedd Cymru o fewn wyth niwrnod ar hugain gan ddechrau â'r diwrnod y gwneir yr offeryn, yn ddarostyngedig i'w estyn dros gyfnodau o ddiddymu neu doriad am fwy na phedwar diwrnod.

OFFERYNNAU STATUDOL
CYMRU

2021 Rhif 172 (Cy. 40)

**IECHYD Y CYHOEDD,
CYMRU**

**Rheoliadau Diogelu Iechyd
(Cyfyngiadau Coronafeirws) (Rhif
5) (Cymru) (Diwygio) (Rhif 3)
2021**

NODYN ESBONIADOL

(Nid yw'r nodyn hwn yn rhan o'r Rheoliadau)

Mae Rhan 2A o Ddeddf Iechyd y Cyhoedd (Rheoli Clefydau) 1984 yn galluogi Gweinidogion Cymru, drwy reoliadau, i wneud darpariaeth at ddiben atal, diogelu rhag, rheoli neu ddarparu ymateb iechyd y cyhoedd i fynychder neu ledaeniad haint neu halogiad yng Nghymru.

Mae'r Rheoliadau hyn wedi eu gwneud mewn ymateb i'r bygythiad difrifol ac uniongyrchol i iechyd y cyhoedd a berir gan fynychder a lledaeniad coronafeirws syndrom anadlol aciwt difrifol 2 (SARS-CoV-2) yng Nghymru.

Mae'r Rheoliadau hyn yn diwygio Rheoliadau Diogelu Iechyd (Cyfyngiadau Coronafeirws) (Rhif 5) (Cymru) 2020 (O.S. 2020/1609 (Cy. 335)) ("y prif Reoliadau").

Mae'r prif Reoliadau wedi eu diwygio i wneud addasiadau dros dro i'r cyfyngiadau a'r gofynion sy'n gymwys i ardal Lefel Rhybudd 4 o dan Atodlen 4 i'r prif Reoliadau. Mae'r darpariaethau dros dro yn caniatáu i hyd at 4 o bobl o 2 aelwyd wahanol wneud ymarfer corff gyda'i gilydd yn yr awyr agored (er bod

rhaid o hyd i'r ymarfer corff ddechrau o'r man lle y mae'r bobl yn byw a gorffen yno).

Er mwyn darparu ar gyfer addasiadau dros dro o'r fath, mae diwygiad cyfatebol wedi ei wneud i reoliad 4(8). Effaith hyn yw bod y cyfyngiadau a'r gofynion ar gyfer pob lefel rhybudd (fel y'u nodir yn Atodlenni 1 i 4) yn gymwys i ardal yn ddarostyngedig i unrhyw addasiadau dros dro a bennir mewn perthynas â'r ardal honno yn Atodlen 5. Felly yn ogystal ag edrych ar Atodlen 5 i benderfynu pa un o Atodlenni 1 i 4 sy'n gymwys i ardal, rhaid ichi hefyd ystyried sut y gall yr Atodlen berthnasol fod wedi ei haddasu gan Atodlen 5.

Mae Rhan 3A o Atodlen 4 i'r prif Reoliadau yn gwahardd perchnogion ysgolion yng Nghymru mewn ardal Lefel Rhybudd 4 rhag caniatáu i ddisgyblion fynd i fangreoedd ysgolion. Mae hefyd yn gwahardd perchnogion sefydliadau addysg bellach rhag caniatáu i fyfyrwyr fynd i'r sefydliadau hynny. Mae hyn yn ddarostyngedig i eithriadau penodol yn y ddau achos.

Mae'r Rheoliadau hyn yn diwygio Rhan 3A o Atodlen 4 i'r prif Reoliadau fel nad yw'r gwaharddiad ar berchnogion ysgolion yn gymwys ond mewn perthynas â disgyblion ym mlwyddyn 3 neu'n uwch. Mae hefyd yn diwygio'r Rhan honno fel nad yw'r gwaharddiad ar berchnogion sefydliadau addysg bellach yn gymwys os yw'r myfyriwr yn ymgymryd â chwrs mewn peirianeg, adeiladu, lletygarwch, arlwyo neu amaethyddiaeth a bod angen iddo fynd i'r sefydliad i gwblhau ei gwrs.

Mae'r Rheoliadau hyn hefyd yn gwneud mân ddiwygiadau pellach i Atodlen 4 i'r prif Reoliadau.

Ystyriwyd Cod Ymarfer Gweinidogion Cymru ar gynnal Asesiadau Effaith Rheoleiddiol mewn perthynas â'r Rheoliadau hyn. O ganlyniad, ni luniwyd asesiad effaith rheoleiddiol o'r costau a'r manteision sy'n debygol o ddeillio o gydymffurfio â'r Rheoliadau hyn.

Rheoliadau a wnaed gan Weinidogion Cymru, a osodwyd gerbron Senedd Cymru o dan adran 45R o Ddeddf Iechyd y Cyhoedd (Rheoli Clefydau) 1984 (p. 22), i'w cymeradwyo drwy benderfyniad gan Senedd Cymru o fewn wyth niwrnod ar hugain gan ddechrau â'r diwrnod y gwneir yr offeryn, yn ddarostyngedig i'w estyn dros gyfnodau o ddiddymu neu doriad am fwy na phedwar diwrnod.

OFFERYNNAU STATUDOL
CYMRU

2021 Rhif 172 (Cy. 40)

**IECHYD Y CYHOEDD,
CYMRU**

**Rheoliadau Diogelu Iechyd
(Cyfyngiadau Coronafeirws) (Rhif
5) (Cymru) (Diwygio) (Rhif 3)
2021**

Gwnaed am 3.06 p.m. ar 19 Chwefror 2021

*Gosodwyd gerbron Senedd
Cymru am 5.45 p.m. ar 19 Chwefror 2021*

Yn dod i rym 20 Chwefror 2021

Mae Gweinidogion Cymru yn gwneud y Rheoliadau a ganlyn drwy arfer y pwerau a roddir gan adrannau 45C(1) a (3)(c), 45F(2) a 45P(2) o Ddeddf Iechyd y Cyhoedd (Rheoli Clefydau) 1984(1).

Mae'r Rheoliadau hyn wedi eu gwneud mewn ymateb i'r bygythiad difrifol ac uniongyrchol i iechyd y cyhoedd a berir gan fynychder a lledaeniad coronafeirws syndrom anadlol aciwt difrifol 2 (SARS-CoV-2) yng Nghymru.

(1) 1984 p. 22. Mewnosodwyd adrannau 45C, 45F a 45P gan adran 129 o Ddeddf Iechyd a Gofal Cymdeithasol 2008 (p. 14). Mae'r swyddogaethau o dan yr adrannau hyn wedi eu rhoi i "the appropriate Minister" ("y Gweinidog priodol"). O dan adran 45T(6) o Ddeddf 1984, y Gweinidog priodol, o ran Cymru, yw Gweinidogion Cymru.

Mae Gweinidogion Cymru yn ystyried bod y cyfyngiadau a'r gofynion a osodir gan y Rheoliadau hyn yn gymesur â'r hyn y maent yn ceisio ei gyflawni, sef ymateb iechyd y cyhoedd i'r bygythiad hwnnw.

Yn unol ag adran 45R o'r Ddeddf honno, oherwydd brys, mae Gweinidogion Cymru o'r farn ei bod yn angenrheidiol gwneud yr offeryn hwn heb fod drafft wedi ei osod gerbron Senedd Cymru ac wedi ei gymeradwyo ganddi drwy benderfyniad.

Enwi a dod i rym

1.—(1) Enw'r Rheoliadau hyn yw Rheoliadau Diogelu Iechyd (Cyfyngiadau Coronafeirws) (Rhif 5) (Cymru) (Diwygio) (Rhif 3) 2021.

(2) Daw'r Rheoliadau hyn i rym ar 20 Chwefror 2021.

Diwygio Rheoliadau Diogelu Iechyd (Cyfyngiadau Coronafeirws) (Rhif 5) (Cymru) 2020

2.—(1) Mae Rheoliadau Diogelu Iechyd (Cyfyngiadau Coronafeirws) (Rhif 5) (Cymru) 2020(1) wedi eu diwygio fel a ganlyn.

(2) Ar ôl rheoliad 4(6) mewnosoder—

“(6A) Mae'r cyfyngiadau a'r gofynion a nodir yn un o Atodlenni 1 i 4 yn gymwys i ardal yn ddarostyngedig i'r addasiadau dros dro a bennir mewn perthynas â'r ardal honno yn Atodlen 5.”

(3) Yn rheoliad 57(1), yn lle is-baragraff (h) rhodder—

“(h) ystyr “athletwr elît” yw unigolyn—

- (i) sy'n ennill bywoliaeth o gystadlu mewn camp,
- (ii) sydd wedi ei ddynodi'n athletwr elît gan Gyngor Chwaraeon Cymru at ddibenion—
 - (aa) y Rheoliadau hyn,
 - (bb) Rheoliadau Diogelu Iechyd (Cyfyngiadau Coronafeirws) (Cymru) 2020,
 - (cc) Rheoliadau Diogelu Iechyd (Cyfyngiadau Coronafeirws) (Rhif 2) (Cymru) 2020,

(1) O.S. 2020/1609 (Cy. 335) fel y'i diwygiwyd gan O.S. 2020/1610 (Cy. 336), O.S. 2020/1623 (Cy. 340), O.S. 2020/1645 (Cy. 345), O.S. 2021/20 (Cy. 7), O.S. 2021/46 (Cy. 10), O.S. 2021/57 (Cy. 13), O.S. 2021/66 (Cy. 15), O.S. 2021/95 (Cy. 26) ac O.S. 2021/103 (Cy. 28).

(dd) Rheoliadau Diogelu Iechyd
(Cyfyngiadau
Coronafeirws) (Rhif 3)
(Cymru) 2020, neu

(ee) Rheoliadau Diogelu Iechyd
(Cyfyngiadau
Coronafeirws) (Rhif 4)
(Cymru) 2020,

(iii) sy'n "mabolgampwr elît" o fewn
yr ystyr a roddir i "elite
sportsperson" gan reoliad 2(1) o
Reoliadau Diogelu Iechyd
(Coronafeirws, Cyfyngiadau) (Pob
Haen) (Lloegr) 2020(1),

(iv) sy'n "mabolgampwr proffesiynol"
o fewn yr ystyr a roddir i
"professional sportsperson" gan
reoliad 2(1) o Reoliadau Diogelu
Iechyd (Coronafeirws)
(Cyfyngiadau a Gofynion)
(Lefelau Lleol) (Yr Alban)
2020(2), neu

(v) sy'n "athletwr elît" o fewn yr ystyr
a roddir i "elite athlete" gan
baragraff 39(2) o Atodlen 2 i
Reoliadau Diogelu Iechyd
(Coronafeirws, Teithio
Rhyngwladol) (Gogledd
Iwerddon) 2020(3);";

(4) Ym mharagraff 1 o Atodlen 4, yn is-baragraff
(4)(f)—

- (a) ar ôl is-baragraff (ii), mewnosoder "neu";
- (b) hepgorer is-baragraff (iv) a'r "neu" yn union
o'i flaen.

(5) Ym mharagraff 2 o Atodlen 4, yn is-baragraff
(4)(i), hepgorer is-baragraff (ii) a'r "neu" yn union o'i
flaen.

(6) Ym mharagraff 6A o Atodlen 4—

- (a) yn is-baragraff (1), ar ôl "ddisgybl"
mewnosoder "dynodedig";

(1) O.S. 2020/1374, fel y'i diwygiwyd gan O.S. 2020/1518, O.S. 2020/1533, O.S. 2020/1572, O.S. 2020/1611, O.S. 2020/1646, O.S. 2020/1654, O.S. 2021/8, O.S. 2021/53 ac O.S. 2021/97.

(2) O.S.A. 2020/344, fel y'i diwygiwyd gan O.S.A. 2020/347, O.S.A. 2020/374, O.S.A. 2020/389, O.S.A. 2020/392, O.S.A. 2020/400, O.S.A. 2020/415, O.S.A. 2020/427, O.S.A. 2020/439, O.S.A. 2020/452, O.S.A. 2020/471, O.S.A. 2021/1, O.S.A. 2021/3, O.S.A. 2021/17, O.S.A. 2021/25, O.S.A. 2021/35, O.S.A. 2021/49, O.S.A. 2021/54 ac O.S.A. 2021/86.

(3) Rh.S. 2020 Rhif 90, fel y'i diwygiwyd gan Reolau Statudol 2020 Rhifau 138, 140, 154, 155, 163, 168, 179, 185, 189, 193, 194, 200, 203, 212, 216, 223, 228, 234, 241, 243, 244, 254, 275, 278, 289, 326, 344, a 355 a Rheolau Statudol 2021 Rhifau 4, 5, 6, 9, 10, 13, 17 a 32.

(b) ar ôl is-baragraff (1) mewnosoder—

“(1A) Yn y paragraff hwn, ystyr “disgybl dynodedig” yw disgybl ym mlwyddyn 3 neu’n uwch.”;

(c) yn is-baragraff (2)—

(i) ym mharagraff (a), ar ôl “ddisgybl” mewnosoder “dynodedig”;

(ii) ym mharagraff (b), yn lle “disgybl rhag mynd” rhodder “i ddisgybl dynodedig fynd”;

(iii) ym mharagraff (c), yn lle “disgybl rhag mynd” rhodder “i ddisgybl dynodedig fynd”;

(iv) ym mharagraff (d), yn lle “disgybl rhag mynd” rhodder “i ddisgybl dynodedig fynd”;

(v) ym mharagraff (e), yn lle “disgybl sy’n ddisgybl preswyl rhag preswyl” rhodder “i ddisgybl dynodedig sy’n ddisgybl preswyl breswyl”.

(7) Ym mharagraff 6B o Atodlen 4, yn lle is-baragraff (2)(a) rhodder—

“(a) sefydliad addysg bellach—

(i) i sefyll arholiad neu wneud asesiad arall, neu

(ii) i wneud cwrs mewn peirianeg, adeiladu, lletygarwch, arlwyio neu amaethyddiaeth, pan fo presenoldeb yn y sefydliad yn angenrheidiol er mwyn galluogi’r myfyriwr i gwblhau elfen ofynnol o’r cwrs;”.

(8) Ym mharagraff 6D o Atodlen 4, ar y diwedd mewnosoder—

“(m) mae i “blwyddyn ysgol” yr un ystyr â “school year” yn adran 579(1) o Ddeddf 1996;

(n) ystyr “blwyddyn 3” yw grŵp blwyddyn y bydd mwyafrif y plant, yn ystod y flwyddyn ysgol, yn cyrraedd 8 oed;

(o) ystyr “grŵp blwyddyn” yw grŵp o blant mewn ysgol y bydd y mwyafrif ohonynt, mewn blwyddyn ysgol benodol, yn cyrraedd yr un oedran.”

(9) Yn Atodlen 5, ar ôl y tabl mewnosoder—

“Addasiadau dros dro

2. Mewn perthynas ag ardal Lefel Rhybudd 4, am y cyfnod o ddechrau’r diwrnod ar 20 Chwefror 2021 tan ddiwedd y diwrnod ar 12 Mawrth 2021—

- (a) mae paragraff 1(4)(f) o Atodlen 4 i'w ddarllen—
 - (i) fel pe bai'r "neu" ar ôl is-baragraff
 - (ii) wedi ei hepgor, a
 - (ii) fel pe bai wedi ei fewnosod ar ôl paragraff (iii) "neu
 - (iv) mewn grŵp o ddim mwy na 4 o bersonau o ddim mwy na 2 aelwyd, ond caiff y grŵp hefyd gynnwys unrhyw ofalwr i berson yn y grŵp ac unrhyw blant o'r naill aelwyd neu'r llall sydd o dan 11 oed.”;
- (b) mae paragraff 2(4)(i) o Atodlen 4 i'w ddarllen fel pe bai wedi ei fewnosod ar ôl paragraff (i) "neu
 - (ii) mewn grŵp o ddim mwy na 4 o bersonau o ddim mwy na 2 aelwyd, ond caiff y grŵp hefyd gynnwys unrhyw blant o'r naill aelwyd neu'r llall sydd o dan 11 oed.”.

Mark Drakeford

Y Prif Weinidog, un o Weinidogion Cymru
Am 3.06 p.m. ar 19 Chwefror 2021